

**Razvojna banka Federacije
Bosne i Hercegovine
v.d. Predsjednik Uprave**

Broj: 8636-III/24
Sarajevo, 15.07.2024. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14 i 59/22), Zapisnika o pregledu i ocjeni konačne ponude broj 8559-XI/24 od 12.07.2024. godine i člana 20. Statuta Razvojne banke Federacije Bosne i Hercegovine (u daljem tekstu: Banka), u postupku javne nabavke usluga održavanja sistema elektronskog bankarstva za 2024.godinu, donosim

ODLUKU

o izboru ponuđača za nabavku usluga održavanja sistema elektronskog bankarstva za 2024. godinu (period 01.5.2024.-30.4.2025. godine)

Član 1.

Prihvata se konačna ponuda ponuđača Comtrade System Integration d.o.o. Sarajevo, Džemala Bijedića 179, 71000 Sarajevo, broj ponude P-24-135-III od 12.07.2024. godine u postupku javne nabavke putem pregovaračkog postupka bez objave obavještenja o nabavci za nabavku usluga održavanja sistema elektronskog bankarstva za 2024. godinu (01.5.2024-30.4.2025. godine) za potrebe Razvojne banke Federacije BiH.

Član 2.

Ukupna cijena konačne ponude iznosi 31.500,00 KM, što u konačnici s uračunatim PDV-om iznosi 36.855,00 KM (slovima: tridesetšesthiljadaosamstotinapedesetpet KM).

Član 3.

U skladu sa odredbama člana 70. stav (6) Zakona o javnim nabavkama, Ugovorni organ će objaviti ovu odluku na svojoj web stranici www.rbfbih.ba, istovremeno s upućivanjem iste ponuđaču koji je sudjelovao u ovom postupku.

Član 4.

Ova odluka stupa na snagu danom donošenja i dostavlja se ponuđaču koji je sudjelovao u postupku javne nabavke, saglasno članu 71. stav (2) Zakona o javnim nabavkama.

Član 5.

Za realizaciju ove odluke zadužuje se Sektor za podršku poslovanju.

OBRAZLOŽENJE

Odlukom broj 6177-III/24 od 20.05.2024. godine pokrenut je postupak javne nabavke usluga održavanja sistema elektronskog bankarstva za 2024.godinu (period 01.5.2024-30.4.2025. godine).

Shodno navedenom, a u skladu sa članom 28. stav (4) Zakona o javnim nabavkama (Službeni glasnik BiH 39/14 i 59/22), Razvojna banka Federacije BiH, na portalu javnih nabavki, objavila je informaciju o pregovaračkom postupku koji namjerava provoditi bez objave obavještenja o nabavci za nabavku usluga održavanja sistema elektronskog bankarstva i to sa ponuđačem Comtrade System Integration d.o.o. Sarajevo, Džemala Bijedića 179, 71000 Sarajevo.

Pregovarači postupak bez objave obavještenja o javnoj nabavci provodi se u skladu sa članom 21. stav (1) tačka c. Zakona o javnim nabavkama, odnosno usluga se može nabaviti isključivo od ponuđača Comtrade System integration d.o.o. Sarajevo, koji jedini može pružiti predmetne usluge jer je firma Endava d.o.o. Sarajevo nakon odustajanja od održavanja sistema elektronskog bankarstva prenijela prava održavanja na navedenog ponuđača.

Informacija o pregovaračkom postupku bez objave obavještenja o nabavci objavljena je na Portalu javnih nabavki dana 21.05.2024. godine, broj informacije: 1011-4-2-106-20-3/24. Tenderska dokumentacija objavljena je zajedno sa navedenom informacijom, te je 5 (pet) ponuđača preuzelo istu.

Ponuđač Comtrade System integration d.o.o. Sarajevo u utvrđenom roku dostavio je zahtjev za učešće sa kvalifikacionom dokumentacijom, nakon čega je Komisija imenovana Odlukom Ugovornog organa broj 6718-III/24 od 20.05.2024. godine sačinila Zapisnik o rezultatu pretkvalifikacije kandidata broj 6632-XI/24 od 29.05.2024. godine, te je na osnovu istog donesena Odluka o rezultatima pretkvalifikacije u pregovaračkom postupku javne nabavke bez objave obavještenja o nabavci broj 6642-III/24 od 30.05.2024. godine.

Odlukom o rezultatima pretkvalifikacije broj 6642-III/24 od 30.05.2024. godine konstatovano je da je ponuđač Comtrade System integration d.o.o. Sarajevo kvalifikovan za izvršenje usluga održavanja sistema elektronskog bankarstva u Razvojnoj banci Federacije BiH.

S tim u vezi, dana 14.06.2024. godine, na Portalu javnih nabavki objavljen je Poziv za dostavljanje početne ponude. Rok za podnošenje Početne ponude je bio 21.06.2024. godine do 12:00 sati.

Ponuđač Comtrade System integration d.o.o. Sarajevo dostavio je početnu ponudu dana 21.06.2024.godine u 10:30 sati. Nakon dostavljanja početne ponude u utvrđenom roku, Komisija za nabavke sačinila je Zapisnik o pregledu i ocjeni početne ponude broj 7754-XI/24 od 24.06.2024.godine, a ponuđaču Comtrade System integration d.o.o. Sarajevo, upućen je poziv za pregovore.

Pregovori su održani 02.07.2024.godine, a Zapisnikom o pregovorima broj 8061-XI/24 od 02.07.2024. godine konstatovano je da cijena početne ponude iznosi 31.500,00 KM bez PDV-a i ista se neće mijenjati u konačnoj ponudi.

Slijedom naprijed navedenog, na Portalu javnih nabavki 09.07.2024. godine objavljen je Poziv za dostavljanje konačne ponude.

Rok za podnošenje konačne ponude bio je 12.07.2024. godine do 12:00 sati, a ponudač Comtrade System integration d.o.o. Sarajevo konačnu ponudu je dostavio dana 12.07.2024. godine u 10:11 sati.


Komisija za nabavke imenovana Odlukom o dopuni Odluke o imenovanju Komisije broj:8058-III/24 od 02.07.2024.godine izvršila je otvaranje, pregled i ocjenu konačne ponude, te je u svom Zapisniku broj 8559-XI/24 od 12.07.2024. godine konstatovala da je ponuda ponudača Comtrade System integration d.o.o. Sarajevo prihvatljiva, sadrži sve podatke i dokumentaciju, u skladu sa zaključcima sa pregovora.

U postupku donošenja ove odluke posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponudača, te pregled i ocjenu ponude.

Uvažavajući sve prethodno navedeno, a prvenstveno činjenicu da ugovaranje usluge održavanja sistema elektronskog bankarstva sa bilo kojim drugim pružaocem usluga nije moguće zbog ranije definisanih razloga, te da je ponuda ponudača prema kriteriju za izbor ponude (najniža cijena) ocijenjena prihvatljivom, odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba najkasnije u roku od 10 (deset) dana od dana prijema Odluke saglasno članu 97. 99. i 101. Zakona o javnim nabavkama.

 v.d. Predsjednik Uprave



Borislav Trlin

Dostaviti:

- Učesniku u postupku;